



Laporan oleh NOR AZAN FITRI AHMAD HIDZIR dan ZAZALI JAMIAN. Gambar oleh MD. SHAHJAHAN MAAMIN dan MOHD. AZIM ABD. RAHMAN

Menang lima daripada enam pingat emas acara kanu semalam

Terengganu terajui kedudukan

Oleh ZAZALI JAMIAN
sukan@utusan.com.my

KANGAR - Terengganu memberi petanda awal akan menguasai Sukma sekali lagi apabila meraih lima pingat emas daripada enam yang ditawarkan dalam acara kanu pada hari pertama temasya kali ke-17 ini semalam, menerusi acara kanu.

Secara keseluruhan semalam, sebanyak 13 pingat emas ditawarkan termasuk tujuh dalam acara

karate.

Kejayaan Terengganu yang hampir menyapu bersih emas yang dipertandingkan di Kompleks Sukan Air di Tasik Timah Tasoh, sekali gus meletakkan mereka di kedudukan teratas dalam senarai punggutan pingat.

Ini memberi petanda awal bahawa kontinjen negeri Pantai Timur itu tersebut dijangka menguasai te-



masya kali ini.

Lima emas kanu Terengganu hadir menerusi acara K1 1,000 meter (m) wanita dan membolot semua emas dalam kategori lelaki dan wanita K2 1000m serta K4 1000m.

Turut mencuri tumpuan pada hari pertama temasya semalam ialah atlet karate dari Pulau Pinang, Thomson Hoe yang meraih pingat emas pertama Sukma

XVII Perlis 2014 selepas memenangi acara kata individu akhir.

Gelanggang karate di Kolej Matrikulasi Perlis jelas menjadi lubuk emas buat Pulau Pinang apabila keseluruhan mereka memenangi tiga daripada tujuh emas ditawarkan.

Pasukan lain yang turut berjaya meraih emas semalam ialah Perak dengan dua emas manakala Negeri Sembilan, Selangor dan Wilayah Persekutuan masing-masing satu emas.

Hari ini pemburuan pingat akan terus berlangsung dan menawarkan 13 pingat emas menerusi tiga sukan iaitu kanu, karate dan basikal.

Tumpuan hari ini akan terarah kepada sukan karate dan kanu yang pastinya menjanjikan aksi penuh debaran buat semua pasukan bertanding.

Acara lain seperti silat, hoki, skuasy dan baling padang masih lagi dalam saingan merebut slot ke perlawanan akhir.